



www.BibleForChildren.org


Pomulanya 1




Wali tempo owi, tempo
pomulanya semo, tempo
etu i Pue Allah
mampapowali
yangi pasi lino.




Wali tempo owi etu lino si'i tawa
manasa ta'anya pasi taware
bananginya. Ojo ue mayombu to
mangabombong lino, pasi
mawuri kiji rao. Pei tempo etu
re'e i Nosa i mPue Allah
la mayoko njo'u-ma'i
njo'u-ma'i ri rao ri
wawo nu ue etu.



Wali yako etu i Pue Allah magombo, la manganto'o,
“Powalimo reme!” Wali mansaka mawalimo reme etu.
Panewa ojo poga'aNya reme pasi wuri etu, i Pue Allah
mangansangka reme etu “Bae Eo”, pasi la
mangansangka wuri
kiji etu “Raya
mBuri”.



Wali etu semo palaong to naika i mPue Allah ri eo to
kaisa, mula yako yau wuro rata yau wengi panewa ojo
karatanya wo'u yau wuro.



Wali yako etu, ri eo to kadua i Pue Allah magombo wo'u, la manganto'o, "Powalimo anu to mangaga'a ue see re'e ue to ri aranya pasi re'e to ri wawonya." Wali ojo panto'o i mPue Allah gombo etu, mansaka re'e to mangaga'a pei mangangompo ue to ri aranya etu yako ue to ri wawonya. Panewa roo see i Pue Allah mangansangakamo anu to mangangompo ue etu "Rao". Wali etu semo palaong to naika i mPue Allah ri

eo to kadua, mula yako yau wuro rata yau wengi panewa ojo karatanya wo'u yau wuro.




Wali yako etu, ri eo to katogo, i Pue Allah magombo wo'u, la manganto'o, "Biakamo nakasiromu samparia ue to ri aranya mawali santolo danakayala tampa to mara." Wali ojo panto'o i mPue Allah gombo etu, ue etu mansaka siromu ri santolo see miala tampa to mara. Panewa roo see i Pue Allah mangansangka tampa to

mara etu "Tana" pasi la mangansangka ue to siromu etu "Tasi". Wali samparia etu i Pue Allah mangkita paka matao.



Panewa yako etu i Pue Allah magombo wo'u, la manganto'oka tana, "Powalimo samparia ngayanya anu to tuwu, matao to mawua makapa'i, pasi kaju to mawua makapa'i ri rayanya, pasi samparia anu to tuwu to yusa."




“Wali samparia anu to tuwu etu, ponto-ponto
ngayanya wungka yusa jayanya tidugang wo’u
kalaginya yako to uyunya rapapowali.”

Wali ojo panto’o i mPue
Allah gombo etu, mansaka
yako ri tana tuwumo
samparia ngayanya anu

to tuwu ri sambawo lino.



Panewa i Pue Allah mangangkita samparia anu
to tuwu etu paka matao. Wali etu semo palaong
to naika i mPue Allah ri eo to katogo, mula
yako yau wuro rata yau
wengi panewa ojo
karatanya
wo'u yau wuro.



Wali anu to mareme to napapowali i mPue Allah etu,
re'e dua to bose. Songu inikaNya mareme
kojo, etu semo mata nu eo, wali to
etu la mangika damampakareme
bae eo. Panewa yununya inikaNya
taa mareme kojo, etu semo
wuya, wali to etu la mangika
damampakareme raya mburi.



Pasi la mampapowali seja songonya batu'e.
Wali etu semo palaong to naika i mPue
Allah ri eo to ka'opo, mula yako yau
wuro rata yau wengi panewa ojo
karatanya wo'u yau wuro.



Wali yako etu, ri eo to kalima, i Pue Allah magombo wo'u, la manganto'o, "Powalimo anu to tuwu kangguyu-ngguyu ri raya nue, pasi tonsi to damayoko njo'u-ma'i, njo'u-ma'i njo'u rao." Wali etu semo palaong to naika i mPue Allah ri eo to kalima, mula yako yau wuro rata yau wengi panewa ojo karatanya wo'u yau wuro.




Wali yako etu, ri eo to kaono, i Pue Allah magombo wo'u, la manganto'o, "Powalimo anu to tuwu manosa to mpangaya-ngaya to tuwu ri wawo ntana." Wali ojo panto'o i mPue Allah gombo etu, mansaka re'emo anu to tuwu manosa mpangaya-ngaya etu. Anu to tuwu to napapowali i mPue Allah etu, re'e binatang to yole pasi binatang to maila pasi samparia anu to tuwu to mandonggo pasi to manjoyo ri wawo ntana.




Pasi samparia ngayanya anu to tuwu to ipapowali etu
la mangika see ananya dasewaju ngayanya pei
indonya sangaya pei sangaya. Wali ojo karoonya la
mampapowali samparia anu to tuwu etu, i Pue Allah
mangkita samparianya etu paka matao.




Roo see i Pue Allah magombo wo'u, la manganto'o,
"Anu Kita mangika tau sewaju ta'anya ewa lengke
ngKita. Tau etu Kita damangawaika damampasilonga
samparia to re'e ri lino si'i, etu semo samparia bau ri
raya ntasi, pasi tonsi njo'u rao,
pasi binatang to yole pasi to
maila ri sambawo lino, pasi
songonya anu to tuwu to
mandonggo pasi to
manjoyo ri wawo ntana."



Wali i Pue Allah mangangkita samparia to inikaNya
etu paka matao kojo. Wali etu semo palaong to naika
i mPue Allah ri eo to kaono, mula yako yau wuro rata
yau wengi panewa ojo karatanya wo'u yau wuro.



Wali i Pue Yawe mangkeni tau langkai to inikaNya
etu pei mamposaka ia ri bonde ri Eden etu see ia
damampasilonga pasi damangkampang bonde etu.



Roo see i Pue Yawe
mamporentangika tau
langkai etu, la
manganto'o, "Samparia
ngayanya wua ngkaju
ri bonde si'i paka maya
nukoni ngkorom. Tare
to taa maya rakoni
kasimbalnya wua
ngkaju to yako ri kaju to
mampakanasaka tau
anu to matao pasi anu
to maja'a."



“Ne’e mangkoni wua
ngkaju to etu, apa
ane wua ngkaju etu
pei nukoni ngkorom,
ri eo nupangkoni
wuanya etu,
monso-monso korom
damate.” Wali etu
semo parenta i
mPue Yawe resi tau
langkai etu.



Wali ewa wetu naika i Adam
mangansanga samparia binatang
nempo to yole pasiwa to maila, pasi
ia mangansanga seja samparia
tonsi njo'u rao. Pei tempo ia
mangika palaong to etu ia taa kojo
mangarata nempo samba'a yunu to
masipato mangansawang ia.



Wali see naka i Pue Yawe mampakayore yau i Adam etu see ia yore leta kojo. Panewa tempo ia yore etu i Pue Yawe mangayali yau sambensi wuku usunya, pei ri waka nu wuku usunya etu la mangabombongika muni wombo. Wali yako wuku usu nto langkai inoko i mPue Yawe etu, la mangika samba'a tau we'a. Roo see la mangkeni resi i Adam.



Wali etu semo sabanya naka pei tau langkai damampiyaika pa'anya pasi indonya pei dasiwaka pei tau we'a to mawali indo nu ananya. Wali to langkai pasi to we'a etu damawali samboko.



Apa bae kojo pamporayang i mPue
Allah resi to lino, see naka la mangawai
Aku, AnaNya to samba'aja, see i sema
tau to mangaya Aku, tau etu taa
darapakaja'aka yau, pei
damangarata katuwu to
singkasaenya.



Roma 3:23 Apa samparia tau paka madosa pasi taa kojo masipato mangarata tilanya yako kayawa i mPue Allah.

Roma 6:23 Apa ntanapa ntau mangika dosa, etu semo kapate. Pei sora to yako resi i Pue Allah, etu semo katuwu to singkasaenya. Wali kita maya mangarata sora etu apa saba kita samba'a pei i Kerisitu Yesu, Pue ngkita.

Ibrani 9:27 Wali songka i mPue Allah, etu semo to lino ojo sangkani mate yau panewa roo see nabotus i mPue.

Epesus 2:8,9 Wali yako kanoto i mPue Allah semo naka pei komi seja rapalaes apa saba komi mangaya i Kerisitu.

Wali si'a yako palaong ngkomi naka pei komi rapalaes.

Sora i mPue Allah semo naka pei komi rapalaes.

Wali si'a yako palaong ngkita naka pei kita rapalaes, see naka tare tau to maya tabaro.



Roma 10:9,10 Apa ane kita mampatimonso, manganto'o, "I Yesu la semo Pue," pasi ane raya ngkita mangaya kojo i Pue Allah room mangawangu muni i Yesu yako ri kapateNya, ane ewa see kita darapalaes.

Apa raya ngkita mangaya i Pue Yesu, see naka kita nato'o i mPue Allah tare dosanta. Pasi nganga ngkita mampatimonso pangayanta etu, see naka kita rapalaes.

Yohanes 3:16,17 Apa bae kojo pamporayang i mPue Allah resi to lino, see naka la mangawai Aku, AnaNya to samba'aja, see i sema tau to mangaya Aku, tau etu taa darapakaja'aka yau, pei damangarata katuwu to singkasaenya.

Apa kamonsonya i Pue Allah mampokau Aku, AnaNya, ma'i ri lino si'i, si'a ma'i damangahuku to lino, pei yako palaong to Aku mangika see naka to lino darapalaes.



1 Yohanes 5:11-13 Wali si'i semo kareba etu: I Pue Allah roomo mangawaika kita katuwu to singkasaenya, pasi AnaNya semo pu'u ngkatuwu etu.

Wali i sema-sema tau to re'e Ana i mPue Allah resi ia, tau etu re'e seja katuwu to etu. Pei tau to tare Ana i mPue Allah resi ia, tau etu tare katuwunya to etu. Wali to tao-tao kita mangaya anu to etu mangkonong Ana i mPue Allah, apa i Pue Allah semo matamanasa mpalaong to etu, pasi la masipato rasarumaka.

Wali aku kunsani komi roomo mangaya kuasa nu Ana i mPue Allah. Pei aku tiroowa mangantulisika komi sura si'i see damanasa ngkomi saba yako pangayang komi la, re'emo katuwu to singkasaenya resi komi. Pasi aku mangantulisika komi sura si'i see tare pandoonya komi mangaya la.



Pomulanya 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Pamona (pmf) © 2018 New Tribes Mission, Sanford, FL
32771-1487, USA. Printed in the United States of America

<https://www.bible.com/en-GB/bible/2982/GEN.1.WNT>

©2025 Bible for Children, Inc.

www.M1914.org

www.bibleforchildren.org

